

**BOSNA I HERCEGOVINA**  
**Federacija Bosne i Hercegovine**  
**TUZLANSKI KANTON**  
**Ministarstvo finansija**  
**-Komisija za izbor poslovnih banaka-**

Broj: 07/11-11-28090/20  
Tuzla, 21.12.2020. godine

Na osnovu člana 7. Uredbe o postupku, kvalifikacionim uslovima i kriterijima za izbor poslovnih banaka za potrebe Budžeta Tuzlanskog kantona („Službene novine Tuzlanskog kantona, br. 17/20), člana 20. stav 1. i člana 21. stav 1. Zakon o trezoru Federaciji Bosne i Hercegovine (“Službene novine Federacije BiH”, br. 26/16) i člana 4. Rješenja o imenovanju Komisije za izbor poslovnih banaka broj:07/1-14-40682/20 od 04.12.2020. godine, Ministarstvo finansija Tuzlanskog kantona, objavljuje:

**JAVNI POZIV**  
**za izražavanje interesa za pružanje usluga poslovne banke bez naknade**

1. Ministarstvo finansija Tuzlanskog kantona (u daljem tekstu: Ministarstvo) ima namjeru izvršiti odabir dvije transakcijske banke u okviru Jedinstvenog računa trezora Tuzlanskog kantona.
2. Opći uvjeti podobnosti banaka: podobne su banke koje ispunjavaju slijedeće kvalifikacione uslove:
  - a) banka izražava zanimanje za pružanje bankarskih usluga navedenih u javnom pozivu bez naknade
  - b) banka mora posjedovati potrebe dozvole za rad i obavljati bankarsku djelatnost najmanje dvije godine
  - c) banka mora imati profitabilno poslovanje u posljednje dvije godine u odnosu na godinu u kojoj se vrši izbor
  - d) banka treba da je tehnički opremljena i osposobljena za kvalitetno pružanje traženih usluga
  - e) banka mora imati adekvatnost kapitala propisanu relevantnim propisima
  - f) banka mora imati odgovarajući informacioni sistem koji omogućava razmjenu podataka između Ministarstva i banke.
3. Opis usluga:

Transakcijske banke pružaju usluge:

  - a) isplatu i prenos sredstava po nalogu Ministarstva,
  - b) obračun kamata i isplate sredstava po osnovu primljenih sudskih odluka i drugih odluka izvršnih organa,
  - c) dostavljanje dnevnog izvještaja o uplatama i isplatama javnih prihoda i primitaka i isplatama rashoda i izdataka,
  - d)oročavanje sredstava po uputama Ministarstva.
4. Izbor Poslovnih banaka izvršit će se na osnovu sljedećih kriterija:
  - a) kamatna stope na depozite po viđenju .....učešće 35%
  - b) kamatna stope na oročene depozite sa podračuna u okviru JRT TK učešće.....35%
  - c) poslovne mreže banke ..... učešće 25%
  - d) adekvatnosti kapitala ..... učešće 5%

## 5. Način bodovanja:

Najpovoljnija ponuda u smislu niže navedenih kriterija (*prema opadajućem redoslijedu*)

- 1)  kamatna stopa na depozite po viđenju učešće 35%
- 2)  kamatna stopa na oročene depozite sa računa iz člana 3. Stav 3 Uredbe učešće 35 %
- 3)  poslovne mreže banke učešće 25 %
- 4)  adekvatnost kapitala učešće 5 %

Obračun bodova vršit će se određivanjem najpovoljnije ponude po svakom od kriterija kojem se dodjeljuje 100 bodova .

U zavisnosti od pojedinog kriterija najbolja je ona ponuda čiji je ponuđeni nominalni iznos najveći ( npr. najveći broj filijala ).

U slučaju da dvije ili više ponuda imaju iste elemente, odnosno kriterije dobivaju isti broj bodova.

### 1. Izračunavanje učešća kriterija –kamatna stopa na depozite po viđenju

Primjer :

$$\frac{X \text{ Niža kamatna stopa}}{Y \text{ Najviša ponuđena kamatna stopa}} \times 100$$

### 2. Izračunavanje učešća kriterija –kamatna stopa na depozite sa podračuna

Primjer :

$$\frac{X \text{ Niža kamatna stopa}}{Y \text{ Najviša ponuđena kamatna stopa}} \times 100$$

### 3. Izračunavanje učešća kriterija –poslovne mreže banke

Primjer :

poslovna mreža banke na području TK-a najbolje ponude = (broj objekata)

$$\text{ponuda } \frac{\text{manji broj objekata}}{\text{Najveći ponuđeni broj objekata}} \times 100 =$$

Napomena : Kriterij “poslovna mreža banke” mora biti iskazan brojem objekata.

### 4. Izračunavanje učešća kriterija –adekvatnost kapitala banke

**Primjer:**

$$\frac{X \text{ stopa najniže adekvatnosti kapitala}}{Y \text{ Stopa najviše adekvatnosti kapitala}} \times 100$$

**Napomena :** Kriterij “adekvatnost kapitala” mora biti iskazan u procentu (%).

Utvrđivanje broja bodova vrši se na bazi realativnog učešća svakog podkriterija u ukupno postavljenim podkriterijima.

Prvorangirana poslovna banka ujedno postaje i depozitna banka.

6. Dodjela ugovora

Ugovor će se zaključiti s bankom koja je dobila najveći broj bodova slijedećim redoslijedom:

Prvorangirana poslovna banka i drugorangirana poslovna banka, bit će izabrane za transakcijske banke.

Prvorangirana poslovna banka ujedno postaje i depozitna banka, o čemu će se zaključiti poseban ugovor.

Ukoliko se na javni poziv prijavi samo jedna poslovna banka, ista će biti odabrana za transakcijsku i depozitnu banku.

7. Pozivaju se sve zainteresirane banke koje ispunjavaju kvalifikacione uslove iz tačke 2. ovog Javnog poziva da sudjeluju u ovom pozivu za izražavanje interesa za pružanje bankarskih usluga bez naknade. Uz prijavu za sudjelovanje, potrebno je dostaviti slijedeću dokumentaciju:

- a) Izjavu ovlaštenog lica banke datu pod punom krivičnom i materijalnom odgovornošću o ispunjenju kvalifikacionih uslova podobnosti banke-izjava ovjerena kod notara
- b) Izjavu ovlaštenog lica banke o ponuđenoj kamatnoj stopi na depozite po viđenju i kamatnoj stopi na depozite sa podračuna u okviru JRT Tuzlanskog kantona-izjava potpisana, protokolirana i ovjerena od strane banke,
- c) Nacrt ugovora s parafom na svakoj stranici za obavljanje poslova transakcijske banke
- d) Bilancu uspjeha za 2018. i 2019. godinu-original ili ovjerena kopija
- e) Bilancu stanja na dan 31.12.2018. i 31.12.2019. godine-original ili ovjerena kopija
- f) Izvješće vanjskog revizora o reviziji finansijskih izvještaja banke za 2019. godinu-original ili ovjerena kopija.

8. Osnovni podaci o prihodima i primicima Budžeta Tuzlanskog kantona:

- a) Prihodi i primici Budžeta Tuzlanskog kantona u prvih šest mjeseci 2020. godine iznosili su 159.990.827,98 KM;
- b) Prosječno dnevno stanje sredstava na računima kod poslovne banke u prvih šest mjeseci 2020. godine iznosilo je 3.415.344,03 KM.

9. Rok i način dostavljanja prijave za sudjelovanje

Prijava za sudjelovanje zajedno s pratećom dokumentacijom treba biti dostavljena najkasnije do 19.01.2021. godine do 11:30 sati na protokol Ministarstva ili putem pošte na adresu:

TUZLANSKI KANTON-Ministarstvo finansija  
Ul. Turalibegova br. 40 75000 Tuzla

Prijava za sudjelovanje dostavlja se u zatvorenoj i zapečaćenoj koverti. Na koverti obavezno naznačiti:

“Prijava na Javni poziv za izražavanje interesa za pružanje usluga poslovne banke” – “**NE OTVARAJ**” –

Prijave za sudjelovanje koje budu dostavljene nakon navedenog roka neće biti razmatrane.

Javno otvaranje ponuda obavit će se u srijedu, 21.01.2021. godine u 11:00 sati u prostorijama Ministarstva, sala za sastanke. Pravo prisustva na otvaranju ponuda imaju predstavnici podnositelja prijava uz podnošenje pismene punomoći.

Postupak izbora poslovnih banaka će izvršiti Komisija imenovana Rješenjem o imenovanju Komisije za izbor poslovnih banaka broj:07/1-14-40682/20 od 04.12.2020. godine,


Obavijest o rezultatima izbora dostavit će se svim bankama koje su dostavile prijavu za sudjelovanje.

Osoba ovlaštena za davanje informacija u vezi ovog javnog poziva:

a) Merima Hajdarević, e-mail: [h.merima@bih.net.ba](mailto:h.merima@bih.net.ba) (za normativni dio)

b) Selma Berković, e-mail: [placanje.minfintk@bih.net.ba](mailto:placanje.minfintk@bih.net.ba) (za tehnički dio)

Dokumentaciju za prijavu, uključujući i nacрте ugovora koji se zaključuju između Ministarstva i banaka, banke mogu preuzeti na web stranici Ministarstva finansija: <http://www.vladatk.kim.ba/javni-pozivi-mf>



**MINISTAR**

Suad Mustajbašić, dipl.ecc.